

於德者不為旁歧長者不為有餘短者不為不足合自然之正也今小成聲色斷續人之性者也故堯歷雖短續之則憂歸歷雖長斷之則悲故性長非所斷性短非所續無所去聲色之憂悲也

發行

南華經曰以生為附贅懸疣以死為決疣潰癰古者人含其明則天下不鏽矣人藏其聰則天下不累矣人含其智則天下不惑矣人藏其德則天下不僻矣

物或惡之

南華經曰彼曾史楊墨師曠工倭離來者皆外立小德而以煖亂天下者也法之所無用也

故有道者不處

南華經老聃曰余愧乎道德不行政不取於小成楊墨之邪說也是以莊子上不敢為仁義小成之操而下不敢為楊墨淫僻之行也

道德真經四子古道集解卷之三

道德真經四子古道集解卷之四

古 裏 寇 才 質 集

有物混成章第二十五此章沖虛經無形埒變而為一氣一氣九變而成混沌混沌者天地形變之始也故有物混成陰陽開闢先天地生輕清者上為天重濁者下為地道生天地也

有物混成

道玄經道原篇曰有物混成先天地生之謂也

謂也

先天地生

南華經曰夫道無形生天地先天地生者也

者也

寂兮寥兮

道玄經曰惟道無形窈窕冥冥寂寥淡漠不聞其聲

獨立而不改

道玄經曰陰陽道者獨自一立而生萬物自古及今未嘗變易

周行而不殆

道玄經曰天運地埽四時為紀綱剛柔相成萬物乃生

可以為天下母

南華經曰道之所在無乎不可道玄經曰以天為父以地為母天地者萬物之父母也

吾不知其名

道玄經曰吾強為之名字之曰道

字之曰道

洞靈經曰道者自然之妙用孝者人道之至德夫道包運天地發育萬物曲成形類布置性壽其功至實而不為物府不為事官无為功尸捫求視聽莫得而有字之曰道

強為之名曰大

道玄經精誠篇曰道本無聲聖人強為之名以一大為稱

大曰逝

南華經曰夫道未有天地自古以固存逝曰遠遠曰返

逝曰遠遠曰返

沖虛經曰夫道遠自太古返至今日年數故不可紀天長地久不可窮也

故道大

通玄經曰大道陰陽者氣之大者也位居

天外至高無上至深無下包裹天地而無

表裏空洞覆載周無所破

天大

通玄經曰天之有象者形之大者也

地大

通玄經曰地之有形者形之大者也

王亦大

南華經曰莫大於帝王帝王之德配天地

域中有四大

南華經曰又何知天地之足以窮四大之

域

而王居其一焉

通玄經曰天明日明能照四方君明臣明

域中乃安

王法地

南華經曰莫富於地春氣發而百草生正

得秋而萬寶成

地法天

南華經曰莫神於天通玄經曰地承天萬

物形

天法道

通玄經曰夫道至神幹旋天運南華經曰

夫道無形覆載天地而不為巧

道法自然

通玄經曰道者自然之妙也南華經曰夫

道無形自本自根自然之本也

重為輕根章第二十六此章通玄經

公後而志驕而自要尊貴即萬乘之勢不足以為快天下之富不足以

為樂為而自輕躁而多欲躁躁夫本亡天下也

重為輕根

通玄經曰上古聖人無為而化者持重而

不輕也持重以制輕天下皆寧

靜為躁君

通玄經曰上古聖人清靜之德者閑靜而

不躁也處靜以持躁天下皆安君根本也

是以君子終日行

南華經曰以禮為行以樂為和薰然慈仁

謂之君子君子所以治國賢人未嘗過而

問勞佚焉

不離輜重

南華經曰君子為政豈敢輕乎

雖有榮觀

通玄經曰君子之道靜以修身

燕處超然

通玄經曰君子之道靜則下不擾下不擾

則民不亂

奈何萬乘之主

通玄經曰萬乘之勢以萬物為功名權任

至重不可自輕

而以身輕天下

通玄經曰萬乘之勢自輕則功名不成

輕則失臣

通玄經文子問治國之本老子曰本在於

治身未嘗聞身治而國亂身亂而國治者

也若為而自輕則失君本

躁則失君

通玄經曰即萬乘之勢不足以為快天下

之富不足以為樂躁而多欲縱欲失本

善行章第二十七 此章南華經言帝無為此乘天地之道馳萬物之自治而用人刑無為之也道德之本在於上立要於一人無為而天下治常為五善無為之要以救人物天下皆善是謂要妙五善救民也

善行無轍跡

通玄經曰古者聖人無為教不下堂而化行四海不行而自治行而無跡也

善言無瑕譎

通玄經曰後世待言而使命其於為治難矣古者不言之命古聖人所以為師無一言而大動天下其惟心行無為也不言而自往事而無傳

善計不用籌筭

通玄經曰王通於一而萬事畢聖人無為無智慮也不謀而自當不慮而自得

善閉無關鍵而不可開

通玄經曰古者聖王在上明好惡以示人刑措而不用不令而自禁

善結無繩約而不可解

通玄經曰古者聖人不施法令風俗移易

其唯心行道也不行而自制南華經曰古者約束不以繩索後世待繩約而固者是寢其德也

是以聖人

通玄經曰上古聖人無為明照天下執道

之要東要以救眾

常善救人故無棄人

通玄經曰天下之事不可為也因其自然而推之故人無棄人洞靈經曰救弊責於

省事

常善救物故無棄物

通玄經曰萬物之變不可救也秉其要而歸之故物無棄物洞靈經曰救弊責於一

令

是謂襲明

通玄經曰道可以陰可以陽可以幽可以

明積微成明

故善人不善人之師

通玄經曰人主者民之師

不善人善人之資

通玄經曰古者聖人善用道者乘人所資以立功以其所不能託其所能所治甚衆所居甚要見善如不及見不善如不祥

不貴其師

通玄經曰教而不倦所以治民也賢師良

友捨而為非者寡矣

不愛其資

南華經曰蓋師是而非非師治而無亂乎

是明天地之理萬物之情也

雖知大迷

通玄經曰古人不小學不大迷不小惠不

大愚末世雖知小學大迷於道

是謂要妙

通玄經曰治眾之本在於一要天下安寧要在一人

知其雄章第二十八 此章南華經言而有真偽皆因後世五帝道隱於小成以偽其道而不真矣古者道隱於至

德之世同與禽獸居族與萬物並至乎知仁義禮樂君子小人我同乎無知其德不離乎無欲則民素樸素積而民性謙貨而自治矣及至後世五帝覺覺趨贊為仁與政斯推為義而天下始發成於書學小成之偽矣

種淺淫聲為樂損件邪偽為禮而天下始分雖為律聲色之器矣是故後世五帝大道橫散禮書利器為當器也

知其雄

南華經曰五帝知其雄造五聲也通玄經下德篇曰雷霆之聲可以鐘鼓象也風雨

之變可以音律知也聲可聞者可得調也調五音矣

守其雌為天下谿

南華經曰古者五聲不亂孰為六律守其雌為天下谿

為天下谿常德不離復歸於嬰兒

通玄經曰古之善為君者法於江海無為為天下之谿其德不離是以至人不見可

欲心與神處靜而體德動而理通知其白

南華經曰五帝知其白造五色也明可見者可得而蔽也色可察者可得而別也別

五色矣

守其黑為天下式

南華經曰古者五色不亂孰為文彩守其

黑為天下式

為天下式常德不忒復歸於無極

通玄經曰古者至人之治虛無寂寞修自然之道漠然無為而天下和

知其榮

南華經曰五帝知其榮造律曆也通玄經曰夫至大天地不能函也至微神明不能見也大可觀者可得而量也量曆數矣

守其辱為天下谷

南華經曰古者白王不毀孰為珪璋守其辱為天下谷

為天下谷常德乃足復歸於樸

通玄經曰古之善為君者法於江海江海無為為天下谷其德乃足不分爭而財足

聖人淳樸而不散淡然無欲而民自樸

樸散則為器

通玄經曰及至五帝建律曆別五色異清濁味甘苦則樸散而為器矣立仁義修禮

樂則德遷而為偽矣民飾智以驚愚設詐以攻上天下有能持之而未能有治者也

夫智能彌多而德滋衰南華經曰古者純樸不殘孰為犧樽道德不廢安取仁義情性不離安用禮樂後世幾樸以為器工匠之罪也毀道德以為仁義五帝之過也聖人用之則為官長

南華經曰稀韋氏得之於道以挈天地無為伏犧氏得之於道以襲氣母之道神農氏得之於道以火德王黃帝得之於道以登景雲之天下

故大制不割

南華經曰是以一人之斷制天下譬之猶一規夫唐虞知賢人之利天下而不知其賊天下夫唯割也外乎賢者知之矣

將欲章第二十九北華通玄經言夫下一國為家以萬物為言據天下之大有一國為家之多即氣實而志隨天下之

用兵侵小者倨傲凌下無長又得在時不爭不在時不爭不在時不爭不爭高故安而不危水潦下無故去而不退是以聖人無為故無敗無執故無失夫留於行陣之事者不戰爭戰者未嘗不失善游者溺善騎者墜各以所行反自為傷故為善騎之執者失之七國兵爭亡天下也

將欲取天下

通玄經曰國不欲貪竟得得在天下與之不在於自取仁義則得

而為之兵爭

通玄經曰夫欲名是有而為之爭之吾見

其不得已

吾見其不得已

通玄經曰雖執而得之不留也夫名不可

以求而得也在天下與之與之者歸之天下所歸者德也若無德者民不歸也不歸

用兵即危道也吾見其不得已

天下神器

洞靈經曰天下之神器也帝王之重位也

不可為也

通玄經曰天下大器也不可執也不可為也

也

為者敗之

通玄經曰夫好名者未嘗不中善游者溺各以所好反自為傷故曰為者敗之也

執者失之

通玄經曰夫爭利者未嘗不窮善勝者墜

各以所好反自為傷故執者失之

故物

通玄經曰禍福同門利害之反不可不察也

或行或隨

沖虛經曰或長或短

或照或吹

沖虛經曰或美或醜

或強或羸

沖虛經曰或怡或厲

或載或隳

沖虛經曰或是或非

是以聖人

通玄經曰得在時不在事治在道不在聖

土凝下不爭高故要而不危水流下不爭

疾故去而不遲是以聖人無為故無敗無

執故無失

去甚

通玄經曰為強之本在於守弱是以聖人

守柔弗強故能成其王天下長久

去奢

通玄經曰節用之本在於去奢是以聖人

去泰

通玄經曰去驕之本在於虛無是以聖人

去驕泰也不敢驕溢故能長久

以道佐人主章第三十此章通玄經

前不義之兵起於天下大亂好勇危亡

身目毀青燭以明自然或勇因強果

死辯士固智能亡人有橫死辭命而

兵危亡之道也今七國亂

以道佐人主者

通玄經曰古者人臣理國家治境內行道

德布德施惠此為上也

不以兵強天下

通玄經曰古者戎邪不生安樂無事天下

和平智者無所施其榮勇者無所措其威

不用兵強天下

其事好還



通玄經曰戰國用兵而自容邪人諂而陰謀遠而驕主而用其亂人以成其事師之所處荆棘生焉

通玄經曰七國舉兵為難路無緩步田無立苗荆棘生焉

大軍之後必有凶年

通玄經微明篇曰起師十萬日費千金師旅之後必有凶年

故善者果而已

通玄經曰甲兵之利不足以恃強

不敢以取強

通玄經曰古者勇於不敢則活

果而勿矜

通玄經曰古者守柔弱不敢以自強故能矜

矜

果而勿伐

通玄經曰勇於一能未可廣應於治也

果而勿驕

通玄經曰古之勇者不以力為暴可謂一

於道矣

果而不得已

通玄經曰敵來加已不得已而用

是果而勿強

通玄經曰古兵守柔弱者生之徒也天下

活矣

物壯則老

沖虛經孔子謂子路曰由能勇而不能怯

通玄經曰武勇以強梁死辯士因智能亡

是謂不道

通玄經曰人有橫死非命而亡以寡犯衆

以弱凌強兵共殺之兵強不道不道早已

不道早已

南華經曰不恬不愉非道也非德也不道

早已

夫佳兵章第三十一

命士夾門三千餘人月夜相擊於前死傷者處百餘人好之不厭太子懼之請莊子說止王之用莊子見三曰臣有三劍唯王所用王曰願聞三劍莊子曰天子之劍有諸侯有燕人劍也天子之劍有諸侯有燕諸侯之劍四封之內無不賓服矣無人之劍一旦命絕無所用於國事今大玉有天子之位而好庶人之劍而窮謂大王薄之王乃茫然自失幸而

上殿宰人上食王三環之莊子曰文王安坐定氣劍事已畢矣於是文王不出宮三月劍士皆服其死也論兵有六凶終非吉事不可常用也

夫佳兵者

通玄經曰兵者凶器戰者危事

不祥之器

通玄經曰好用兵器逆之至也

物或惡之

通玄經曰兵殘天下萬民騷動殺戮無罪

民之所讎物或惡之

故有道者不處

通玄經曰君子務道德不重用兵也

君子居則貴左

洞靈經曰陽德居左

用兵則貴右

洞靈經曰陰刑居右

兵者不祥之器

通玄經曰故兵者不祥之器

非君子之器

通玄經曰兵者非君子之器非君子之實

也

不得已而用之

通玄經曰用兵有五二曰應兵不得已而用之謂之應兵應兵勝此天道之所成也恬淡為上

通玄經曰恬然無思淡然無慮以恬養智恬愉無矜而得乎和

勝而不美

通玄經上仁篇曰兵殺傷人勝而不美兵莫毒於憎乎心鏖鉅為下

而美之者是樂殺人也

通玄經曰戰國不義之兵至於伏尸流血相交是樂殺人也

夫樂殺人者

通玄經曰春秋舉兵以自為者衆去之衆之所去雖大必亡

不可得志於天下

通玄經曰故為他戰者不能成其王為身求者不能立其功

吉事尚左

南華經曰夫道有左左陽也

凶事尚右

南華經曰夫道有右右陰也

偏將軍處左

南華經疏云左陽主生

上將軍處右

南華經疏云右陰主殺

言以喪禮處之

通玄經上仁篇曰以喪禮處之殺人衆多以悲哀泣之

通玄經曰戰敗以悲哀泣之

戰勝則以喪禮處之

通常無名章第三十二

此章通玄經言上古行道德者天祐之地助之鬼神降之景星見祥雲布黃龍下甘露降醴泉出嘉穀秀芝華生連理枝鳳凰集其庭麒麟遊其郊吹竽宿寐其澤不致勝河不滿僅日月星辰不其度風雨時順五穀豐登此古行德祥十瑞也

通常無名

通玄經道原篇曰古道無名者無言也無言者作始也作始者始作結繩之樸也

樸雖小

通玄經曰古人之道心欲小也志欲大也心欲小者禁微欲也志大者無不治也所持甚小所任甚大故有道以理之法雖小足以治

天下不敢臣

南華經曰古者大道至德之世蠢動而相使不以為賜素樸而民性得自治矣

侯王若能守

南華經曰古者帝王以無為為常

萬物將自賓

南華經曰無為而無不為萬物自化

天地相合以降甘露

通玄經曰陰陽和合甘雨時降

民莫之令而自均

通玄經曰不言之令古聖人所以為師雖無一言天下萬民化

始制有名

通玄經曰後世小成有名者有言也有言者遠事也遠事者成書學之器也

名亦既有

通玄經曰今人之道智欲圓行欲方能欲  
多事欲少智圓者無不知也行方者有不  
為也能多者無不治也事少者約所持也  
所見大者所知小而不知失故無道以理  
之法雖大足以亂十七

夫亦將知止

南華經曰知止乎其不知所不知至知止矣  
知止所以不殆

南華經曰人莫鑑於流水而鑑於止水唯  
止能止衆止

譬道之在天下

通玄經曰故道之在天下譬猶江海不為  
也

猶川谷之與江海

通玄經曰江海不為能取百川不求故能  
得

道德真經四子古道集解卷之四

道德真經四子古道集解卷之五 通五

古 稟 冠 才 質 集

知人者智章第三十三此華南華經  
言古者聖人  
聖志也初負雷  
雷也下動雷中  
而無不為也  
之智自知之明  
強有知足之富  
也主有德業不  
名不亡永壽也  
六德久壽也知  
人者智

知人者智

通玄經曰知賢之謂智智莫大於知人知  
人則無亂政

自知者明

通玄經曰愛賢之謂仁敬賢之謂禮

勝人者有力

通玄經下德篇曰勝人者有力能用人力  
者必得人心者也能得人心者必自得者

也

自勝者強

通玄經曰自勝者強能強者必用人力者  
也未有得已而失人者也未有失已而得  
人者也

知足者富

通玄經曰足用之本在於省儉不須財而  
富

強行者有志

通玄經曰古者不以賤為危不醜窮無人  
非

不失其所者久

通玄經曰故知生之情者不務生之所無  
以為知命之情者不真命之所無奈何

死而不亡者壽

通玄經曰君子雖死亡其名不滅名聲傳  
於後世何往而不壽

於後世何往而不壽

大道汎兮章第三十四此章南華經  
言其神於天  
莫富於地莫大  
配天地之宜貴  
也經不為大萬  
富貴馳養萬物  
也經不為大萬  
物歸之故能成  
其天

大道汎兮

南華經曰以道汎觀而萬物之應備汎愛  
萬物天地一體也

其可左右